

במדבר פרק לב

(ה) ויאמרו אם מצאנו חן בעיניך יתן את הארץ הזאת לעבדיך לאחזה אל תעברנו את הירדן:

- (ו) ויאמר משה לבני גד ולבני ראובן **האחיכם יבאו למלחמה ואתם תשבו פה:**
 (ז) ולמה תנואון תניאון את לב בני ישראל מעבר אל הארץ אשר נתן להם ה'?:
 (ח) **כה עשו אבתיכם** בשלחי אתם מקדש ברנע לראות את הארץ:
 (ט) ויעלו עד נחל אשכול ויראו את הארץ ויניאו את לב בני ישראל לבלתי בא אל הארץ אשר נתן להם ה'?:
 (י) ויחר אף ה' ביום ההוא וישבע לאמר:
 (יא) אם יראו האנשים העלים ממצרים מבן עשרים שנה ומעלה את האדמה אשר נשבעתי לאברהם ליצחק וליעקב כי לא מלאו אחרי:
 (יב) בלתי כלב בן יפנה הקנזי ויהושע בן נון כי מלאו אחרי ה'?:
 (יג) ויחר אף ה' בישראל וינעם במדבר ארבעים שנה עד תם כל הדור העשה הרע בעיני ה'?:
 (יד) והנה קמתם תחת אבתיכם תרבות אנשים חטאים לספות עוד על חרון אף ה' אל ישראל:
 (טו) **כי תשובן מאחרי ויסף עוד להניחו במדבר ושחתם לכל העם הזה:** ס

- (טז) ויגשו אליו ויאמרו גדרת צאן נבנה למקננו פה וערים לטפנו:
 (יז) ואנחנו **נחליץ חשים לפני בני ישראל** עד אשר אם הביאנם אל מקומם וישב טפנו בערי המבצר מפני ישבי הארץ:
 (יח) לא נשוב אל בתינו **עד התנחל בני ישראל איש נחלתו:**
 (יט) כי לא ננחל אתם מעבר לירדן והלאה כי באה נחלתנו אלינו מעבר הירדן מזרחה: פ

- (כ) ויאמר אליהם משה אם תעשון את הדבר הזה אם תחלצו לפני ה' למלחמה:
 (כא) ועבר לכם כל חלוצי את הירדן לפני ה' **עד הורישו את איביו מפניו:**
 (כב) **ונכבשה הארץ לפני ה'** ואחר תשבו והייתם נקים מה' ומישראל והיתה הארץ הזאת לכם לאחזה לפני ה'?:
 (כג) ואם לא תעשון כן **הנה חטאתם לה'** ודעו חטאתכם אשר תמצא אתכם:
 (כד) בנו לכם ערים לטפכם וגדרת לצנאכם והיצא מפיכם תעשו:

- (כה) ויאמר בני גד ובני ראובן אל משה לאמר עבדיך יעשו **כאשר אדני מצוה:**
 (כו) טפנו נשינו מקננו וכל בהמתנו יהיו שם בערי הגלעד:
 (כז) ועבדיך יעברו כל חלוצי צבא לפני ה' למלחמה כאשר אדני דבר:

- (כח) ויצו להם משה את אלעזר הכהן ואת יהושע בן נון ואת ראשי אבות המטות לבני ישראל:
 (כט) ויאמר משה אלהם אם יעברו בני גד ובני ראובן אתכם את הירדן כל חלוצי למלחמה לפני ה' ונכבשה הארץ לפניכם ונתתם להם את ארץ הגלעד לאחזה:
 (ל) ואם לא יעברו חלוצים אתכם ונאחזו בתכם בארץ כנען:

- (לא) ויענו בני גד ובני ראובן לאמר את אשר דבר ה' אל עבדיך כן **נעשה:**
 (לב) נחנו נעבר חלוצים לפני ה' ארץ כנען ואתנו אחזת נחלתנו מעבר לירדן:

במדבר פרק לא

(מא) ויתן משה את מכס תרומת ה' לאלעזר הכהן כאשר צוה ה' את משה: